

鐵琴銅劍樓藏書目錄

鐵琴銅劍樓藏書目錄卷第八

常熟瞿 鏞子雍

史部一

正史類

史記集解一百三十卷

宋刊本

首行題史記集解序次行之半題裴駟二字三行卽
序文序末無結銜序後又行曰五帝本紀第一又行
曰史記一下注凡是徐氏義云云又行卽正文卷末
曰五帝本紀第一以下卷式畧同每半葉十四行行
二十四至二十七字不等注每行二十四至三十九

字不等敬竟殷匡恆字皆闕筆而禎貞字不闕仁宗以前刊本也隋唐志皆作八十卷此本仍依史記篇目與志不合然晁氏讀書志陳氏書錄解題皆作百三十卷其不從舊第已久矣此本與震澤王氏翻宋本及明監本毛本有異者今略舉之如殷本紀有炮格之法不作炮烙周本紀亦同凡見三處漢書谷永傳亦作炮秦始皇本紀至于萬世不作千萬世毛本不誤項羽本紀籍何以生此不作至此毛本不誤呂后本紀迺陰遣潁陰侯灌嬰將兵擊之遣上不脫陰字孝文本紀淮陽守申徒嘉等十人不作屠嘉毛本不誤聞帝之代欲擊胡

擊上無往字孝景本紀安危之機豈不以謀哉王木
脫謀字孝武本紀使者存問所給相連屬於道不脫
相字今年豐未有報豐下無廩字蓋若獸爲符下王
本衍是甘泉更四字

案此四字雜入
晉灼注不全語

乃令越巫立越

祀祠安臺不作祝祠推歷者以本紀不作本統天子

既令設祠具至東泰山不作其至

毛本不誤

十二諸侯年

表周惠王四年無誅頽惠王入五字

王本無入字

晉惠公

夷吾誅里克倍秦約夷晉下無元年二字梁好城不

居民王木城誤成泓之戰楚敗公不作敗之

毛本不誤

王二十一年有定王薨三字王木脫秦景公三十六

年公弟后子奔晉不作秦后子來奔晉楚昭王四年

吳三公子來奔不作吳王公子毛本不誤晉定公二十一

年趙鞅拔邯鄲王本拔誤救宋景公二十八年伐魯

不作伐晉監本作伐曹毛本不誤六國表燕釐公三十年敗齊

林狐不作林孤監本作林營魏景湣王五年秦拔我垣衍

蒲陽七字王本全脫秦楚之際月表鄉秦之楚不作

之禁梁擊殺景駒王本殺誤救漢興以來諸侯年表

韓王信元年信故韓王孫不脫信字毛本不誤徙清河二

十年是爲剛王王本脫二十兩字漢高祖功臣侯年

表故城下第八格王本脫二十六三字深澤下第七

格有罪絕二字王本脫喪平下第八九格夷吳不作
夷吾陸量不作陸梁江邑下第三格十一年正月王
本正誤五須昌下第七格有五年侯不害有罪國除
九字王本全脫高陵下第三格圉侯周元年王本誤
圉侯建元以來侯者年表龍亢侯第二格以校尉摎
世樂擊南越不作摎世樂建元以來王子侯年表茲
侯下第四格元朔三年侯明坐謀反云云王本誤列
第五格禮書爲之金輿鎡衡不作錯衡毛本不誤疏房牀
第几席所以養體也不脫几席二字毛本不脫情勝之爲
安不作情性毛本不誤樂書徵動心而和正智不作正禮

羽動腎而和正禮不作正智律書大至君辱失守不

作窘辱

案索隱徐廣云如朱襄公是當從君字

自年六七十下無翁字

天官書魁海岱以東北也王本東誤惠火爲旱王本

火誤水爲八歲二百二十日王本八誤百辰星天機

不作天機

毛本不誤

天狗狀如奔星奔上無大字其狀無

常常出於有道之國王本少一常字星弗於河戒王

本脫戒字封禪書則五岳四瀆皆并在東方王本五

誤天堂下巫先司命施摩之屬不作施糜

毛本不誤

置酒

壽宮神君最貴者大夫神君下不復衍壽宮神君四

字大夫不作太一卿有禮書曰不作札書其後令帶

奉祠候神物王本奉誤春祠官不主王本官誤宮平

準書黃金一斤黃上無一字

毛本不誤

東置滄海之郡不

作東至

漢書亦作置毛本不誤

欲以主鹽鐵錢不脫錢字燕召

公世家及老而以啟人爲不足任天下不作任乎天

下百姓恫恐王本誤恫怨宋微子世家楚其王伐宋

之彭城不作拔宋縣而射之命曰射氏不作射天晉

世家曲沃莊伯聞晉鄂侯卒王本脫鄂字趙世家是

非先君之意而后妄誅不作而今妄誅

毛本不誤

魏世家

無忌歸魏率五國兵攻秦敗之河外不作河內

毛本不誤

韓世家魏敗我韓舉我下無將字

毛本不誤

陳涉世家陳

王與之將軍印西擊秦不脫秦字

毛本不脫

外戚世家詩

始關雎下無書美釐降春秋譏不親迎二句

此宋本脫文

徙其家之長安不作從其家

毛本不誤

齊悼惠王世家志

亦齊悼惠王子不作志以

毛本不誤

陳丞相世家陳平欲

讓勃尊位乃謝病不作病謝

毛本不誤

周絳侯世家許負

指其口有從理入口曰此餓死法也不作指其口曰

有從理入口此餓死法也列傳亦以伯夷居首不同

王本以老莊與伯夷同傳不可稱數也不作勝數

毛本

不老莊申韓列傳始秦與周合合五百歲而離離七

十歲而霸王者出焉不同今本作始秦與周合而離

離五百歲而復合合七十歲而霸王者出焉

高郵王氏云此

後人依周秦本紀改之也蘇秦列傳趙涉河博關王本關誤闕虞

卿列傳必且欲破趙軍王本脫趙字信陵君列傳今

邯鄲旦暮降秦而魏救不至安在公子能急人之困

也三句王本脫去李斯列傳尊王爲皇帝不作尊主

監本不誤龍變而從時不作就變故吾願肆志廣欲不作

賜志監本不誤若此則可謂能責矣能下無督字季布欒

布列傳夫詭壯士以資敵國不作忌項王所以遂不

能西徒以彭王居梁地與漢合從苦楚也不同王本

監本徒作徒屬上句讀

高郵王氏云此與漢書項王所以不能遂西徒以彭王居

梁地與漢合從苦楚也合今本徒誤徒遂致文不成義袁盎鼂錯列傳君能日

飲無苛王本苛誤奇監本苛誤何萬石張叔列傳朝

奏事如職所奉不作所奏田叔列傳伏法而太后食

不甘味伏上無如其二字扁鵲倉公列傳臣意診脈

曰壯疝不作牡疝

三處皆同

韓長孺列傳智足以當世取

合不作取舍衛將軍驃騎列傳太僕賀爲左將軍王

本左誤列司馬相如列傳雍容閒雅甚都王本甚誤

是而令文君當鑪王本脫當字鬱撓谿谷不作鬱撓

巖突洞房不作巖突

毛本不誤

斯征伯僑不作北僑騁游

道而循降兮不作馳游道而脩降兮

毛本循字不誤

游俠列

傳此如順風而呼不作比如監本不誤輒有儒生侍使者

坐王本侍誤待滑稽列傳巫行視小家女好者不作

人家毛本不誤貨殖列傳走死地如驚下有者字毛本不誤高郵

王氏云宋本有者字是也上文不避湯火之難下文不擇老少皆有者字太史公自序易

大傳天下一致而百慮王本脫天字舊為傳是樓藏

書卷首有尚志齋乾學徐健庵請朱記

史記十四卷宋刊殘本

宋裴駟集解卷長六寸寬四寸每半葉十四行行二

十七至二十九字不等注每行三十一至三十四字

不等全書分一百三十卷與晁氏讀書志陳氏書錄

解題合今存第二十三卷至三十卷第一百二十卷
至一百二十二卷第一百二十八卷至一百三十卷
北宋刻史記集解正義本各單行南渡後始合刻之
此本殷敬貞徵字闕筆而頊字不闕當出神宗以前
刻本注文尚全可正監本脫譌如河渠書岸善崩句
下監本脫如淳曰洛水岸六字太史公自序易大傳
句下此引張晏曰謂繫辭監本譌作正義板刻楮墨
俱極精好較耿氏蔡氏本尤爲罕覯舊爲汲古毛氏

藏書

卷首有海虞毛表
奏叔圖書記朱記

史記七十六卷

元刊
殘本

朱裴駟集解唐司馬貞索隱張守節正義全書一百三十卷今存本紀四至六表一至四七至十書一至八世家八至十二列傳二十九至七十集解索隱正義合刻者始於宋淳熙時是本一遵其舊其十二諸侯年表後有墨圖記云安成郡彭寅翁鼎新刊行舊藏愛日精廬張氏

漢書一百二十卷

宋刊本

首行高紀第一上雙行注師古曰云云空一格題班固又空一格題漢書次行低六格題秘書監上護軍琅邪縣開國子顏師古注三行本文後題二年九月

校書畢凡增七百四十一字損二百一十二字改正
一千三百三字與監本首載宋景文所用參校諸本
中之景祐刊誤本合案高紀二年六月置中地郡服
虔注中地在扶風監本載宋祁曰注文在扶風刊誤
改在字作右此本正作右又十一年上問醫曰疾可
治不醫曰可治宋祁曰舊本及越本竝無不醫曰可
治五字此本無之是景文所刊落者卽刊誤本可知
也錢氏養新錄謂所撰漢書考異正監本之譌而與
景祐本合者有十數處今核此本如哀紀二年春正
月二上無元壽二字景武昭宣元成功臣表孝成五

人成都不作成鄉樂成下無龍字百官公卿表宣平
侯張歐不作監平俞侯欒賁不作樂賁安平侯王章
不作安年平臺侯史中不作平喜廣漢太守孫寶不
作孫寶五行志能者養以之福不倒作之以地理志
逢山長谷渚水所出不作諸水時水東北至鉅定不
作博水張良傳景駒自立爲楚假王在留留上無陳
字枚乘傳凡可讀者百二十篇不作不二十篇韓安
國傳梁成安人也不作城安韋賢傳黼衣朱紱注畫
爲亞文不作亞人佞幸傳龍頤思侯夫人不作龍雒
皆一一相符又王氏懷祖讀書雜志所引景祐監本

各條按之亦合每半葉十行行大字十九二十字不等小字廿五六七字不等宋諱惟匡允宏殷恆貞字闕筆餘皆不闕案趙文敏所藏宋本漢書後歸吳郡陸太宰完松江顧汝修鴻臚太倉王弇州尚書棄一莊而得之當時詫爲秘笈然相傳書中慎字有闕筆乃是紹興刻本此本尚出其前其足珍貴何如耶卷端有朱墨二筆校語乃明時毘陵周迂叟所錄朱劉之同刊本中語今監本所未附者亦足以資參考舊有墨書題記云右朱景文公以諸本參校手所是正並附古注之末至正癸丑三月十二日雲林倪瓚在

凝香閣謹閱又有顧廣圻手跋云顏注班書行世諸刻大約源於南宋槧本文句或用三劉米子京之說或校刊者用意添改往往致譌而剩字尤多此以後人文理讀前人書之病也惟是刻乃景祐二年監本獨存北宋時面目惜補版及剝損處無從取正然據是可以求其添改之跡誠今日希世寶笈也後之讀者幸知而珍重之嘉慶戊午用校時本一過於讀未見書齋其所取正文多別記茲不論案是書嚮藏士禮居黃氏後歸藝芸書舍汪氏錢宮詹所云景祐本殆卽於士禮居見是書也

卷首有御史之章季振宜印滄葦汲古閣子晉祕笈

乾學徐健
庵諸朱記

漢書一百二十卷

宋刊本

首卷首行題高紀第一上又班固漢書一次行題祕
書監上護軍琅邪縣開國子顏師古注每半葉十行
行十九字注二十五字至二十八字不等板心有字
數刊工姓名間有大德至大延祐元統刊補板心一
一注明明監本多脫譌以此本校之如王子侯表上
畢梁侯譌作卑梁永始三年光祿勳韓勳爲右將軍
脫韓勳二字元延四年北地太守谷永爲大司農原
在第十一層譌列第十層是大鴻臚格矣古今人表

杞東樓公原在第五格譌列第六格衛楚譌作衛建
瞽瞍象商原列第九格誤列第八格又王貢兩龔鮑
傳序漢興有園公綺里季夏黃公月里先生師古注
曰四皓稱號本起於此更無姓名可稱知此蓋隱居
之人匿跡遠害不自標顯祕其氏族故史傳無得而
詳至於後代皇甫謐圈稱之徒及諸地理書說競爲
四人施妄姓字自相錯互語又不經班氏不載於書
諸家皆臆說今竝并略一無取焉監本注文全脫此
條賴有宋本得存顏注之全

太平路新刊漢書一百卷

元刊本

首行題高帝紀第一上下注師古曰云云下題班固
漢書一次行題正義大夫行祕書少監琅邪縣開國
子顏師古注前有師古敍例又余靖上言首題景祐
刊誤本五字是書刊於大德乙巳歲十有二月日後
有太平路儒學教授曲阜孔文聲跋云江東建康道
肅政廉訪司以十七史書艱得善本從太平路學官
之請徧牒九路令本路以西漢書率先俾諸路咸取
而式之置局於尊經閣致工於武林三復對讀者耆
儒姚和中輩十有五人重校修補者學正蔡泰亨板
用二千七百七十五面云云跋後列銜名二條一爲

承務郎太平路總管府判官劉遵督工一爲中順大
夫江東建康道肅政廉訪副使伯都提調其書出自
景祐本故謬譌尚少

後漢書一百十五卷

朱刊本

全書一百二十卷此闕帝紀三至五志一二凡五卷
其目錄及首二卷志二十一至二十三列傳六十至
六十二皆鈔補書末題右奉淳化五年七月二十五
日勅重校定刊正下題承奉郎守將作監丞直史館
賜緋魚袋臣孫何承奉郎守祕書省著作佐郎直集
賢院賜緋魚袋臣趙安仁二行後列景祐元年余靖

上言書中敬徵字皆闕筆而頊字不闕當爲仁宗時刊本自列傳三十五至三十七五十四至五十九六十八至七十三多元時補版如郭太傅初太始至南州以下七十四字錢氏養新錄謂本章懷注引謝承後漢書之文潤入正文今此本尚不誤亦可見其本之善矣

後漢書一百二十卷

宋刊本

首行題帝紀第一上又范曄後漢書一次行題唐章懷太子賢注款式與漢書同後來各本多譌脫如郭泰傳云初太始至南州以下七十四字僞入正文此

本作章懷注引謝承之書又左原以下十人附書林
宗傳末皆跳行此本獨否足徵舊本之善此與漢書
皆愛日精廬張氏藏本

後漢書一百二十卷

元刊本

首行題光武帝紀第一上下越三格題范曄二字又
越二格題後漢書一上次行題唐章懷太子賢注志
三十卷題劉昭注補案志實司馬彪作漢末諸儒所
傳而述於晉初劉氏自序甚明是本卷首列景祐元
年九月祕書丞余靖上言末有大德九年十一月望
日靈國路儒學口教授任內刊二行每卷末題張鼎

王鰲叟校正其有不題者成化時補板也嘉靖間刻
監本注經刪削此猶出自景祐本尚爲完書謬譌亦
少

後漢書年表十卷

舊鈔本

宋熊方撰首列自序次列前後進表皆不著年月

四庫提要卽据表中語謂爲高宗時人書凡十卷同
姓王侯表二卷異姓諸侯表六卷百官表二卷馬班
書皆有表而范書獨闕則是書誠不可無之作也近
嘉定錢氏作補表於此書多所駁正然其貫穿鉤考
精密詳審要不容沒世尅刊本此鈔尚爲工整

晉書一百三十卷音義三卷

宋刊本

題唐太宗文皇帝御撰其實史臣房喬等奉敕所纂
中惟陸機王羲之二傳其論稱制曰餘皆稱史臣曰
也此宋刊十行本間有元明時修板每行二十字宋
諱匡恆桓慎構字皆減筆雖不能無脫譌處終勝後
來監本汲古刻本如宣帝紀權果遣將呂蒙西襲羽
公安不脫羽字惠賈皇后傳繇密欲廢后欲不譌爲
惠羊皇后傳賈后欲廢欲不譌旣何曾傳今忠賢執
政今不譌令其進太宰侍中如故中下不衍公字石
崇傳春畦霍靡霍不譌藟羊祜傳乞蒙列上列不譌

例兵不踰時踰不譌喻劉卞傳其一人卿卞卿不譌
輕楊駿傳後以后父超居重任任不譌位山濤傳不
得有所問問不譌聞王戎傳當從古人中求耳耳不
譌之陸機傳五等論是以分天下以厚樂則已得與
之同憂憂不譌愛潘岳傳凡此皆客舍之益而官權
之所乏也乏不譌之殷浩傳向使作令僕足以儀刑
百揆儀不譌殘王羲之傳方其文義之比於石崇義
不譌羲董京傳孔子不遇時彼感麒麟乎麒不譌麟
董養傳天人之理既滅天不譌夫惟謝鯤傳吾不復
得爲盛德事矣句下脫去鯤曰何爲其然但使自今

以往日忘日去耳初敦謂二十字因下葉首行起處
亦有鯁曰二字而譌此修板之不檢也後附音義三
卷唐天寶初何超令升撰宏農楊齊宣正衡序之宋
史藝文志作齊宣撰者誤

晉書音義三卷

元刊本

此元刻單行本序目音義皆連接不空行板式亦精
而多亥豕之訛不逮宋刻十行本遠甚蓋元時書肆
本也

隋書三卷

宋刊殘本

原書八十五卷厘存第八十三至末卷每半葉十行

行十九字左線外有篇名後有無名氏志序及天聖二年勅其字文化及傳云智及素狂勃不同他本作狂悖唐時悖皆作勃韓昌黎集中亦然

隋書八十五卷

元刊本

題特進臣魏徵上志三十卷題太尉楊州都督監修國史上柱國趙國公臣長孫無忌等奉勅撰元至順間瑞州路學刻本與朱本式無異校讐無譌元刻中之善者汲古本於經籍志最多譌字今據是本全校之如志第一類中書契已傳繩木棄而不用不用誤一所據龍圖握鳳紀南面以君天下者咸有史官握

誤非紀誤欲南誤兩撮其旨要撮誤緄使奉朝請祖
暉撰其名暉誤暉歸藏十三卷晉太尉參軍雋貞註
註誤撰梁有尚書二十一卷劉叔嗣註註誤有韓詩
翼要漢侯苞撰苞誤荀撰誤傳業書二十卷朱奉朝
請業遵註業誤葉序子夏所創毛公及敬仲又加潤
益益誤溢喪服釋疑二十卷孔智撰衍亡字五服圖
儀一卷下有喪服禮圖一卷六字脫禮答問二卷卷
誤答又答問十卷衍亡字喪然三家喪誤哀梁有晉
給事中楊弘等注孝經弘誤泓梁有孔志十卷梁太
尉參軍劉彼撰彼誤被五經大義三卷大誤太五經

祕表要三卷經誤卷諡法五卷梁太府卿賀瑒撰脫
卿字從魯論二十篇爲定從誤後漢郎中賈魴作
滂喜篇魴誤訪少學九卷少誤小字類敍評三卷侯
洪伯撰伯誤泊國語物名四卷後魏侯伏侯何悉陵
撰何誤可志第二類中梁後略十卷姚勗撰勗誤最
漢靈獻二帝紀三卷漢侍中劉芳撰芳誤艾梁有魏
末傳并魏氏大事三卷亡三誤六史漢要集二卷漢
誤記續帝王世紀十卷何茂林撰林誤材晉尚書儀
十卷脫儀字司馬裴撰嘉儀注一百一十二卷裴誤
聚高才不遇傳四卷後齊劉晝撰晝誤書李氏家謨

一卷謨誤傳范氏家傳一卷范汪撰家誤世注誤注
剗除舊迹剗誤刻陳祕閣圖書法書目錄一卷脫陳
字外執六典以逆官政典誤興志第三類中老子經
東晉江州王向述注向誤尚風俗通義三十一卷義
誤儀新義十八卷劉廐撰廐誤際金樓子十卷十上
衍二字五星占一卷陳卓撰亡星占二十八卷孫僧
化等撰亡兩亡字俱脫梁有星官主贊十三卷主誤
簿天文者所以察星辰之吉而參於政者也吉誤變
雜曆六卷姜岌撰六誤七陰陽嫁娶圖二卷此條七
字元刻無案元刻有嫁娶陰陽圖二卷毛本疑誤衍趙贊本草經一卷一

誤輕雜藏釀法法誤四偃側人經二卷秦承初撰初
誤祖太清璇璣文七卷脫卷字志第四類中中領軍
曹義集五卷義誤義吳侍中張儼集一卷錄二卷二
誤一山濤集九卷又一本十卷齊奉朝請裴津注津
誤聿晉通事郎江偉集一卷一誤六冀州刺史王深
集五卷深誤琛黃門郎伏衛集一卷衛誤偉晉太傅
郭象集三卷徵士江淳集三卷三俱誤二晉通直常
侍顧愷之集七卷梁十二卷十二誤二十任豫集六
卷亡脫亡字袁淑集十一卷并目錄梁十卷錄一卷
亡脫亡字宋護軍司馬孫勃集六卷司誤日梁有晉

安太守謝纂集十卷纂誤基沈君攸集十三卷十上
衍一十字溫子昇集三十九卷昇誤昇陳沙門釋瑗
集六卷六誤八文章始一卷姚察撰察誤蔡謝靈運
詩集一百卷又詩集百卷并錄二卷并下行同字齊
譙會詩十七卷此條七字元本無古今九代歌詩七
卷九誤歌管絃歌錄一卷脫歌字又有鼓吹清商樂
府讌樂高祿鞞鐸等歌辭舞錄凡十部部誤卷雜誠
七卷誠上衍家字誹諧文十卷此條五字元本無或
一二七日而止止誤上與天竺禪師跋羅參其辯定
其誤其其他持十地論竝爲大乘他誤地備舉之以

資考古者訂證

南史八十卷

元刊本

唐李延壽撰元大德丙午年刊本首行大名在下每半葉十行行廿二字板心有字數間有嘉靖元年修板雖刻手不工難免亥豕之訛然終有勝於他本處如謝瀟傳瀟嘗與劉悛飲悛曰謝莊兒不可云不能飲瀟曰苟得其人自可流涵千日悛甚慚案悛爲劉劭子流涵音與劉劭同瀟以悛斥其父名故引張景陽七命之文以報之是以悛慚淚古刻本譌流爲沉遂致不解所謂矣又王儉傳昇明二年爲長兼侍中

長兼者未正授之稱晉時多有此職如王續劉隗俱
爲長兼侍中孔愉爲長兼中書令是也汲古本長下
衍一史字豈知長史必繫本府名如司徒長史太尉
長史輔國長史之類並無單稱長史者其爲校書人
妄增可知他若謝朓之朓誤改爲瀟謝微傳梁武帝
餞於武德殿餞誤踐謝純傳左右引車欲還外解車
誤軍謝舉傳王屢召不返召誤詔王瞻傳父猷字世
倫父誤之王瑒傳瑒字子瑛瑛誤薨王瑩子實傳實
衣冠傾崎王性方嚴見之意殊惡方誤劣王琨傳在
任者常致巨富常誤當以字形相近而謬者不可勝

數皆可據是本以正之惟謝氏諸傳中敘及謝混或作琨或作混亦與諸本同間有誤字郡人徐元歎校過元歎名波號落木庵主明季詩人跋曰此書校正訛謬爲丁卯年今稍用筆點勘乃戊寅季秋連絡十二年矣憶丁丑暮秋先爲亡友周云治借看一徧甫掩卷而長逝中間欠葉亦此君手補楷法精謹無一筆苟且九月廿二日

北史二十七卷

宋刊殘本

亦延壽撰此南宋時刊本僅存列傳卷一至卷二十六及卷三十七楮墨精好雖間有脫字如后妃列傳

序穆光茂德以下八十一御女名內脫去五字于仲
文傳嘗於雲陽宮見周文下脫去帝問曰二十四字
然取與汲古本相校善處甚多如文成元皇后傳時
守庫者時不誤持弘德夫人傳任生丹陽王陽不誤
楊常山王遵傳長子可悉陵年十七從太武獵逐一
猛獸陵遂空手搏之以獻帝曰汝才力絕人當爲國
立功立事亦如此也陵遂不誤隣遂亦如不誤勿如
順於別室垂涕謂周文曰垂涕不誤垂棘京兆王黎
傳繼晚更貪恠繼不誤旣任城王雲傳挫抑豪強抑
不誤却京兆王愉傳愉語人曰雖主上慈深不忍殺

我主上不誤主人穆崇傳令著作郎韓顯宗與眞撰
定碑文撰定不誤選定削封爲編戶卒于家于不誤
子燕鳳傳及軍國代園不誤國崔浩傳今留守舊都
分家南徙都分二字不誤是國留心於制度科律及
經術之言術不誤律鄧彥海傳與尚書崔宏參定朝
儀律令音樂及軍國文記詔策多是彥海所爲音樂
及三字不誤著書長崔平傳名爲稱職爲不誤曰持
節宣諭諭不誤諭厯許貝二州貝不誤員長孫道生
傳切責子弟弟不誤切長孫熾傳隋文帝作相帝不
誤旁累遷太常少卿累不誤素長孫氏諸傳論翰有

父風翰不誤幹于栗磾傳好持黑稍裕望而異之裕
不誤將弱冠拜侍御中散御不誤祚人生自有定分
若應死王手避亦不免死不誤先與尚書李崇分使
二道分不誤公于謹傳皇帝北面立訪道立不誤亦
于仲文傳仲文建精兵文不誤人釋諸將獨繫仲文
繫不誤擊宋弁傳爾如狗耳爲人所喉喉不誤喉宋
世良傳唯送十二人餘皆放之餘不誤徐許彥傳太
武聞之曰太武不誤文成源賀傳時后父于勁于不
誤子盧昌衡傳後加征虜將軍加不誤君盧元聿傳
行臺左丞丞不誤亟士邃字子淹邃不誤邃皆亡破

老病破不誤被盧柔傳大軍屢捷屢不誤屬高允傳
與侍郎傅默傳不誤傳橈燕下崇橈不誤樵頻煩省
闕煩不誤頻年已九十手目稍衰衰不誤襄高乾傳
若兵以忠立立不誤亡高昂傳曹愷曰將田舍兒比
國士曰田二字不互誤崔辯傳巨倫姑趙國李叔盾
之妻巨不誤臣孝昌初置殷州置字不闕李公緒傳
善圖緯之學圖不誤圍李謐傳隆冬達曙盛暑通宵
宵不誤霄江式傳斯作倉頡篇作不誤則王劭傳時
蜀王秀以罪廢蜀不誤屬薛孝通傳乃欲束手受制
於人不亦鄙乎鄙不誤難裴讓之傳誹訕時政訕不

誤訕斛斯徵傳皆虐日甚虐不誤慮皆足訂今本之
誤者也

北史一百卷

元刊本

此元大德間刊木板心有信州路儒學刊或但云信
州儒學每半葉十行行二十二字匡恆字皆減筆蓋
出自宋本較明監本汲古本自勝如魏本紀一帝乃
告諸大人爲與魏和親計四十二年遣子文帝如魏
是歲魏景元二年也監本汲古本魏皆改晉豈知景
元爲曹魏元帝年號時晉未受禪也此本與魏收書
同足正諸本之誤書中虎字概作武字如畏將軍如

武武牢武幡之類別本俱有改易而改之不盡轉致體例不一他若涼武昭王不謫涼爲梁長城大狩不謫大狩爲太守信舊本之足貴也

舊唐書六十一卷

宋刊殘本

題劉昫等修原書二百卷今存志卷十一至十四卷廿一至廿五卷廿八至三十列傳卷十五至廿八卷三十八至四十七卷五十至六十卷七十八至八十三卷一百十五至一百十九卷一百廿九至一百三十四卷一百四十下至一百四十四上凡六十一卷卷後有右文林郎充兩浙東路提舉茶鹽司幹辦公

事蘇之勤校勘又霍文昭校勘結銜同又左從政郎
紹興府錄事參軍徐俊卿校勘又張嘉賓校勘結銜
同又左奉議郎充紹興府府學教授朱倬校正各條
每半葉十四行行大字廿五六不等小字三十三十
一不等宋諱懸朗眇挺挺頰敬警竟境殷匡恆禎貞
徵署樹豎讓頊勗桓垣崔完構鼓雛勾等字皆闕
筆而慎敦不闕刻在高宗時可知又校勘有紹興府
教授朱倬名考倬因忤秦檜出爲教授是在紹興初
年也明聞人詮刻本卽從此出校讎不苟今以此本
覈之尚有脫譌處如志卷十四曆大衍步日躔衍第

三斗二十六條右北七宿九十八度下脫去小注虛
分七百七十九太八字卷二十一地理廣州中都督
府條以義寧新會二縣並屬廣州其年又以下脫去
義寧新會二縣立岡州令督廣韶端康封岡雜藥隴
寶義雷循潮十四州永徽後以廣桂容邕安南府皆
隸廣府都督統攝謂之五府節度使名嶺南五管天
寶元年改爲南海郡乾元元年復爲廣州州內七十
八字卷二十五輿服高山冠右內侍省內謁者及親
王下司閤下脫去謁者若司閤五字列傳卷一百四
十下李白傳隱於剡中下脫去旣而玄宗詔筠赴京

師筠薦之於朝遣使召之與筠俱待詔翰白二十六
字其餘字句外譌者尤多如志卷十一音樂文皇帝
酌獻用崇德樂章海濂星暉濂譌濂睿宗大聖眞皇
帝室奠獻脫眞字眞宗亞獻終獻用凱安章黃鉞誅
羣盜鉞譌越節愍太子樂章武德諒雄雄雄雄譌雍
雍卷十二曆太白晨平見條小滿初日加一千九百
六十四分後日減六十分六十下譌衍六字求所蝕
夜初甚末更籌刻術條更籌依所求得至甚刻加之
依譌以卷十三檢律候術氣條小寒陟二尺二譌三
求昏旦去中星度術條卽各其日中星宿度脫星字

求月行入交表裏術條小注三退強三進弱進譌退
求變度率術條秋分初日六十日行二十五度六十
下脫日字行二十度二譌五卷十四大衍步交會術
第六求九服所在條并二率半之六而一爲夏下有
率二率相減六一爲差置摠差六而一爲氣半氣差
以加夏率又以廿六字譌入各字下爲每氣之上大
衍步五星術第七推五星平合條去之不盡者返以
減終率終譌中脫率字卷二十一地理嶺南道條廣
州刺史充嶺南五府經略使南譌在九真日南眞譌
貞廢齊州之游安游譌游韶州條東南至虔州虔譌

度封州條東北至廣州九十五里脫五字東至康州
康譌廣富州龍平條貞觀八年改爲富州以富川水
爲名脫州以富三字賓州條天寶元年改爲安成郡
郡譌縣澄州條平蕭銑置南方州脫南字析嶺方置
賀水水譌永嚴州條東北至柳州柳譌郡欽州條蕭
銑改爲欽州總管府管一州州譌府西南至陸州陸
譌陵龍編條後漢周敞爲交趾太守周敞譌問尚卷
二十二職官從第四品下階條上州別駕上譌尚從
第七品下階條宣義郎義譌議正第八品下階條奚
官小注甄官河渠弩坊甲坊脫弩字又有千舟機二

署令也脫舟字從第九品下階條進士明法出身甲
第從九品上法謫經卷二十三太尉司徒司空條司
空行埽除脫行字郎中條凡京司有常參官官謫者
考功條以時收穫剽課剽謫成戶部郎中條凡賦役
之制役謫人倉部郎中一員一謫二禮部郎中員外
郎之職條致敬之式式謫士五官條五官司曆五員
小注掌國之曆法脫掌字卷二十四尚食條女史四
人女史二人史俱謫使兩京諸市署諸謫都國子監
條丞掌州判監事脫判字左右千牛衛條若親射于
射宮若謫凡通事舍人承受傳聲受謫事典內條宮

人糧廩賜與之出入糧譌衣卷二十八食貨便令有
司條流聞奏流譌疏生人轉困轉譌輕卷三十刑法
字民之道字譌安條流俱譌條疏收付大理京兆府
獄付譌附列傳卷十五高士廉傳雅諳姓氏語譌諧
比日聽政脫日字卷十七李勣傳下帳用幔阜爲頂
幔阜譌幔布官至梓州刺史梓譌桂卷十八尉遲敬
德傳今二宮離阻骨肉宮譌公張公謹傳大業龍朔
中歷位東臺舍人業譌素卷十九侯君集傳北望積
石山石譌玉故自鞠驗耳鞠譌鞠薛萬徹傳漢輩猶
不敢動漢譌諸劉蘭傳有都射設阿史那摸末率其

部落入居河南都譌郁卷二十岑文本傳每懷搗挹
挹譌損卷二十二虞世南傳無不發掘譌作無有不
發之墓李守素傳代爲山東名族山東譌東山贊曰
文皇蕩滌刷清蒼昊譌作猗與文皇蕩滌蒼昊卷二
十三姚思廉傳見重於二代二譌三卷二十四劉洎
傳洎疎俊敢言俊譌峻輕願聞徹輕徹俱譌徑太宗
征遼征譌位馬周傳但令政教無失但上行豈欲二
字豈惟處置在子弟而已在上衍見字其材堪宰莅
莅譌位崔仁師傳州縣追捕支黨支譌反役功數萬
功譌徒卷二十五孫伏伽傳官方委文吏官方譌守

成俛眉而已眉譌首皆云被擁故也擁譌堊張元素
傳以日繼月月譌日便卽火出便卽譌卽便苟悅耳
目苟譌以卷二十六吳王恪傳二年遷太子太師太
譌少卷二十七楊纂傳尚食奉御食譌含闔立德傳
初以功藝知名功譌工柳亨傳因兄變遇太宗變譌
葬流遁致遠遁誤近流遁未變遁譌浚卷二十八于
志寧傳此卽史冊具載卽譌則傳後史臣曰苟非金
玉其度其誤貞卷三十八韋思謙傳嗣立時知政事
事下衍府字三子孚亘濟皆知名亘譌恆下文同蘇瓌
傳亦不謝之謝譌讓卷三十九王方慶傳北從入關

從譌徙方慶又舉令文文譌校卷四十朱敬則傳向
使高皇排二子而不教教譌用豆盧欽望傳以欽望
等不能執正正譌政張光輔傳皆有能名脫能字卷
四十一桓彥範傳若昌宗措此占相措譌楷嘉州司
馬周利用用譌貞竟爲周利用所殺用譌自張柬之
傳扇動西渠造成朋黨造譌遺卷四十二魏元忠傳
觀者咸歎其臨刑而神色不撓咸譌咸韋陟傳文含
大雅含譌合郊圻資其稱固稱譌慎韋巨源傳出爲
鄜州刺史鄜譌麟宗楚客傳結爲義故兄弟脫故字
韋氏敗韋上衍故字卷四十四崔融傳斯道存也存

譌者卷四十五讓皇帝憲傳時諸王公卿亦言平王
有社稷大功平譌楚卷四十六姚崇傳父善意意譌
懿山東百姓豈擬餓殺擬譌宜雖終匪懈而諸務多
闕務譌書仍更辱先仍譌乃宋璟傳廣州舊俗皆以
竹茅爲屋俗譌族卷四十七張說傳麟臺監張易之
麟譌臨舉韋見素代代譌伐下衍相字卷五十蘇珣
傳晉及齊幹遞於京都知選事幹譌澣爲營婚宦宦
譌官王志愔傳所以明真諦真譌貞折人以法折譌
析醫人僕夫何功之有醫人譌人醫瘡哲登宸宸譌
圖盧從愿傳爲天下第一降璽書一下衍等字脫降

字李朝隱傳願寬暴市之刑市謫布卷五十一韋湊
傳昆蚊無數蚊謫重王求禮傳則臘月雷亦瑞雷矣
矣謫也卷五十二吳兢傳歷衛尉少卿左庶子左謫
右封襄垣縣子襄謫長卷五十三王君奭傳渾大得
長流吉州得謫德王忠嗣傳敢以表告表謫哀卷五
十五韋堅傳白衣缺膀自謫白楊慎矜傳公清如一
二十一年九十二一三字作空格西莊王氏曰二
重一年字謂開元二十一年也下云慎矜丁父憂二
十六年服闋則崇禮卒於開元二十四年其致仕當
在二十一年也何不惜我少體弱耶惜謫使王鉷傳時右相
李林甫護前用事護前謫怙權卷五十六楊國忠傳

太真妃卽國忠從祖妹也眞譌貞卷五十七永王璘
傳廣琛以步卒六千趨廣陵干譌十銑等奔救張翼
擊之翼上衍左右二字卷五十九馮盎傳二州賊帥
高法澄沈寶徹沈譌沈莢苾何力傳會層冰大合趣
卽渡兵趣譌趨白孝德傳觀其攬跂便辟跂譌轡卷
六十李光弼傳子儀薦光弼堪當閫寄當譌爲躬率
士卒百姓外城掘壕以自固脫塹數十萬百姓下衍
於字外城下衍作字脫譌作望旗俱進俱譌而卷七
十八段秀實傳私室無妓媵媵譌媵顏眞卿傳乃上
議請取初謚爲定今日今日二字作空格杞瞿然而

拜而謫下卷七十九韓滉傳洄上言江淮錢監錢謫
七卷八十一李臯傳會與賊夾江爲軍軍謫陣卷八
十二盧從史傳遊澤潞軍軍謫開卷八十三李晟傳
十一年服闋一謫二卷一百十五柳公綽傳公綽使
牙將祖孝恭單馬勞問孝謫考溫造傳乃宣聖旨旨
謫言殷侑傳宜任朝之耆德任謫在卷一百十六元
稹傳豈不大哀哉耶哉謫也予始與樂天同祕書之
後之謫前卷一百十七段文昌傳韋臯在蜀表授校
書郎脫書字卷一百十八錢徽傳改司封郎中賜緋
魚袋內職如故脫內字充鳳翔節度副使脫副字卷

一百十九李訓傳兩省諫官伏閣切諫官譌言史臣
曰蓋任得其術任譌在卷一百二十九孔緯傳幽州
汴州請討太原討譌封卷一百三十李載義傳李同
捷據滄景捷譌捷下同張仲武傳相次獻捷捷亦譌
捷貶彬州司馬彬譌柳卷一百三十一羅宏信傳宏
信少從戎役宏譌從卷一百三十三武延秀傳猶以
武氏爲念氏譌臣吳濤傳買物於市倚勢強賈賈譌
買卷一百三十四高力士傳朱光輝光譌文兩京作
斤買斤譌片程元振傳至彼捉溺溺譌拘魚朝恩傳
以必允爲度必譌先雉經而卒雉譌自楊復恭傳李

克用率師渡河討邠岐二帥邠譌汾卷一百四十下
元德秀傳士大夫高其行士譌上杜甫傳寓居耒陽
耒譌來緝拾選練練譌揀唐扶傳瘕死獄中瘕譌瘕
次弟歡款欣次下行第字脫歡字劉蕡傳宮闈將變
聞譌闕威懾朝廷懾譌攝征伐必自於諸侯征譌攻
陛下何忽而不用之耶忽譌思卽不幸因之以疾病
癘譌厲臣前所謂國廩罕蓄脫國字或犯禁於南犯
譌體可以保又邦家脫又字溫庭筠傳狂遊狹邪邪
譌愈方還揚州還譌遷李拯傳拯譌極司空圖傳本
臨淮人淮譌潘曾祖燧燧譌遂凝益知重益譌器咄

諾休休休諾謔語燦流細素細謔細卷一百四十一
崔善爲傳惡其聽察聽謔聰甄權傳明堂人形圖各
一卷下衍弟字孫思邈傳一覺一寐寐謔寢天地亦
如之如謔知有如目覩覩謔觀張憬藏傳相人之妙
脫人字張文仲傳庸醫不達藥之行行謔性張果傳
遊外方之者也脫之字當作遊方之外者也僧神秀傳吾度人
多矣人多謔多人吾形貌矮陋矮謔短僧一行傳至
天台山國清寺清謔濟卷一百四十二王友貞傳味
茲禪悅謔作惟悅於網禪味盧鴻一傳遣備禮再徵
遣謔遣備謔幣王守慎傳詞理甚高高謔當孫處元

傳頗善屬文文謫聞潘師正傳嶺上別起精思院以處之上謫山院謫觀孔述府傳嘗恂恂似不能言者似上衍然字陽城傳遣中官持章服而後召召謫詔客或時先醉仆席上仆謫卧客稱某物佳某謫其每年常配鄉戶貢其男貢謫竟以二字城不平其以良爲賤不平其謫下車禁卷一百四十三于敏直妻張氏傳皖城公儉之女也皖謫皖父母微有疾微謫權樊彥琛妻魏氏傳荀復倫生今復見逼管絃一二復字俱謫爾原武衛盧甫妻李氏傳原謫順時曹昇任徐州刺史昇任謫任在逼之以刀刀謫罵裴堅罵抗之

罵謫刀標難奪之節標謫操宜膺贈飾飾謫律李端
妻傳乃急渡潞河潞謫激女道士李元貞傳孤露家
貧露謫孀任耐塋卜葬任謫在塋下衍次字仍令京
兆府接借借謫措孝女王和子傳先許適驍勇牙官
李元慶驍謫馳卷一百四十四突厥傳又匈奴一敗
虜謫奴又喪師旅旅謫旆隋家豎立豎謫翌反爲隋
家之患反謫乃右驍衛郎將高侃侃謫保車鼻未敗
前敗謫敢突厥又迎頡利兄之子又謫有以其弟默
啜爲殺咄殺謫設領十八將軍以討之八謫大盡獲
其家口脫口字又索此降戶此謫世靜難軍使左玉

鈐衛將軍慕容元勳王鈐譌正鋒前譌山則究識夷
險險譌陷人皆習武人譌又嗽欲谷迴兵因出赤亭
以掠兵下衍而字小臣飫斯達干飫譌飲其間亦有
宋本譌而明刻實校正者亦有臆改而譌者今略舉
其勝於明刻者以存宋本之真雖殘珪斷壁亦可寶
貴冊首間有朱文正書長方印曰紹興府鎮越堂官
書考鎮越堂在紹興府署蓬萊閣之下宋嘉定辛巳
建當是宋時鈐記也

舊唐書二百卷

明刊本

題監修國史推誠守節保運功臣特進守司空兼門

下侍郎同中書門下平章事上柱國譙國公食邑五
千戶食實封四百戶臣劉昫等奉勅修有聞人詮揚
循吉文徵明序此本舊藏稽瑞樓陳氏傳錄葉石君
校本目錄後有題記云辛丑歲三月十九日借得錢
遵王所藏至樂樓鈔本校起至九月初五日畢功葉
萬記

唐書三卷

宋刊
殘本

此嘉祐刻本每半葉十行行十九字板印楮墨甚精
惜厯存曆志十七卷下十八上下兩卷其策實一十
一萬三百四十三一條不同他本作一十三萬與舊

史志合又注文凡四分一爲少凡爲太不作分爲大
潛研錢氏嘗以意校正諸本之誤暗與宋本合舊爲

汲古閣藏書

卷首有毛裝
華伯二朱記

唐書二百二十五卷

宋刊
本

本紀表志題翰林學士兼龍圖閣朝散大夫給事中
知制誥充史館修撰判祕閣臣歐陽修奉敕撰列傳
題端明殿學士兼翰林侍讀學士龍圖閣學士朝請
大夫守尚書吏部侍郎充集賢殿修撰臣宋祁奉敕
撰每半葉十行行十九字首行大名在下前有曾公
亮進書表卷末列修史官銜名刊修官爲宋與歐編

修官爲劉義爰呂夏卿宋敏求王□范鎮提舉爲曾
公亮校對校勘爲吳申文同陳薦裴煜諸人內多元
時補版是本舊藏毛氏汲古刻本殆所自出而校讎
未善舛誤殊多如文宗本紀大和元年監本汲古本
俱作太和則與魏晉後魏年號雷同潛研錢氏嘗据
唐石刻辨新舊史之失豈知宋本原不誤也又曆志
策實百一十一萬三百四十三不作一十三萬小注
凡四分之一爲少凡爲太不作分爲大地理志巖州常
樂郡不作長樂足訂諸本之誤信舊本之可貴也

有東吳毛晉及毛表印
信毛奏叔氏諸朱記

五代史記七十四卷

宋刊本

題歐陽修撰徐無黨注每半葉十行行十八字匡微

貞字皆減筆板式甚工舊爲汲古閣藏書毛氏刻本

卽從此出

卷首有毛鳳苞印子晉氏毛表奏叔建安楊氏傳家圖書諸朱記

五代史記七十四卷

元刊本

此元時宗文書院刻本明萬曆間余有丁校刻南雍

本卽從此出義門何氏謂勝於汲古本也有陳師錫

序

宋史四百九十六卷

明刊本

題開府儀同三司上柱國錄軍國重事前中書右丞

相監修國史領經筵事都總裁臣脫脫等奉勅修前
有阿圖魯等進書表及咨浙江等處行中書省刊板
劄與修史官銜名案此書雖成於元而藏諸內府未
列學官海內稀有其本明成化間廣督桂陽朱英得
鈔本於漳浦陳布政爲序而刊之經始於成化辛卯
十月刻成於庚子四月凡本紀四十七志一百六十
二表三十二列傳二百五十五開卷首行大名在下
猶仍舊式是本舊爲邑中錢氏藏書卷首記云歲庚
寅四月朔日開始其第一百七十九卷後記云十月
初二夜半野堂火時方雷電交作大雨傾盆後樓前

堂片刻煨燼乃異災也絳雲一炬藏書無遺殆卽其
時此書方校閱故幸而獲留也

卷首有牧翁朱記

遼史一百十六卷

元刊本

題名與宋史同前有至正三年修史詔旨及三史凡
例史官銜名進書表此元刻十行本行廿二字明監
本脫譌甚多不逮是本也

金史一百三十五卷

元刊本

題名亦與宋史同前有進書表及史官銜名中書省
令錢梓印造咨文此元至正間杭州路刊本每半葉
十行行二十二字明監本卷三十三及卷七十八俱

有闕文此本尚全

鐵琴銅劍樓藏書目錄卷八終